



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 31. Ejusdem Myst. punct. 3.

[urn:nbn:de:hbz:466:1-60232](#)

PUNCTUM III. OPERA. MEM. Anima Christi separata à corpore, mox descendit ad inferos, & apparuit illis Patribus, eos liberans.

INTEL. Tunc factum est illis, quod dicitur Apoc. 7. *& absterget Deus omnem lacrymam ab oculis eorum.* Simul atque enim viderunt animam, ac deinde etiam Corpus Christi gloriosum, mox omnium præteriorum fuerunt oblii. REFL. Sic etiam fiet nobis, si juxta tertium humilitatis modum, pro Christo passi fuerimus.

VOL. Nos radicati in illo tertio humilitatis modo, dicamus cum magno affectu: *id enim, quod in praesenti est momentaneum & leve tribulationis nostræ, supra modum in sublimitate aeternum gloria pondus operatur in nobis.* 2. Cor. 4. Scimus enim, quoniam si terrestris domus nostra hujus habitationis dissolvatur, quod adificationem ex Deo habemus, domum non manufactam, aeternam in Cœlis, &c. 2. Cor. 5.

COLLOQ. Conformatio.
RECOLLECTIO. REPETITIO. APPLICATIO SENSUUM.

MEDITATIO XXXI.

De Apparitione decima tertia. I. Cor. i 5.
Myst. punct. 3.

CONG. Manet eadem.

PRÆL. I. Quomodo Christus redivivus passim Discipulis apparuerit, & cum eis versatus sit.

PRÆL.

PRAEL. II. Videre Judæam & Galilæam, ubi hæc contigerunt.

PRAEL. III. Petere gratiam, dignè cum Christo conversandi in terrâ, & postea ipso fruendi in cœlo.

PUNCTUM I. PERSONÆ. MEM. Inspiciamus personas omnes quibus Christus apparuit.

INTEL. Comparemus illas, cum cæteris hominibus per totum Orbem Terrarum dispersis: consideremus interiorem divinum spiritum, qui erat in Maria Matre Jesu; & in Discipulis, prorsus diversum à spiritu mundano aliorum hominum.
REFL. Hoc est. quod didicimus in meditatione de 2. vexillis, nempe Maria Mater, Discipuli alii Jesu, erant sub vexillo Christi; alii passim sub vexillo ducis impiorum.

VOL. Adhorreamus à spiritu illo malo ducis impiorum & ambulemus Spiritu Christi.

PUNCTUM II. VERBA. MEM. Audiamus hinc Christum redivivum loquentem cum suis, inde vero sermones hominum mundanorum.

INTEL. Mundus plenus est sermonibus vanis de divitiis, honoribus, &c. Christus vero per dies quadraginta erat *loquens de Regno Dei*. Act. I.
REFL. Examinemus colloquia nostra.

VOL. Nos contraria loquamur illis, quæ mundus amat & amplectitur, nempe sermones nostri sint de paupertate, de opproriis pro Christo, de humilitate: hæc enim ducunt ad Regnum Dei.

PUN.

IV. HEBDOMADÆ.

435

PUNCTUM III. OPERA. MEM. Christus Discipulis
præbuit se ipsum vivum post passionem suam ...
per dies quadraginta apparens eis. Act. 1.

INTEL. Nimirum id temporis illos instruxit de
negotiis Ecclesiæ suæ, quomodo deberet propa-
gari; quomodo deberent, accepto Spiritu Sancto
ire per totum Orbem, &c. denique inculcavit illis
omnia, quæ in Evangelio sunt. REFL. Hinc conclu-
damus, qualia debeant esse opera nostra: Non ea
nim negotium nostrum est, cumulare divitias hos
niores ambire, &c. Sed sequi Christum dicentes:
Discite à me, quia misericordia sum & humilis corde.
March 11.

VOL. Toti simus in hisce operibus humilitatis
Christi: & renovantis affectus conceptos de hoc
in superioribus meditationibus.

PUNCTUM IV. QUID DIVINITAS. MEM. Christus
præbuit se ipsum vivum post passionem su-
am in multis argumentis. Act. 1.

INTEL. Si recolamus mente apparitiones, de qui-
bus hactenus meditati sumus, cognoscemus, quod
identidem ostenderit, & prodiderit quatuor do-
tes corporis gloriose, scilicet Immortalitatem,
Claritatem, Agilitatem, & subtilitatem: idque
variis modis: ita ut fuerit, quasi *Ludens in orbe*
terrarum. Prov. 8. in tot diversiss figuris apparens,
modò his, modò illis. REFL. Nos etiam manent
quatuor illæ gloriose dotes, si Christum bene se-
quamur.

VOL. Convertamus nos ad Christum. & toto affe-
ctu dicamus: *Inclinavi cor meum ad faciendas*

Ee justi-

justificationes tuas in eternum, propter retributionem. Ps. 18. Participes erimus victoriae, & felicitatis unusquisque, prout laborum ac molestiarum socii extiterimus.

PUNCTUM V. SOLATIUM IN HAC VITA. MEM. Me minerimus tempore illorum quadraginta dierum non defuisse persecutions; ita ut propter metum Iudeorum debuerint Discipuli se occultare.

INTEL. Perpendamus vero quomodo Christus illos consolatus sit. Nam si ipse de se testetur: *Deliciae meae esse cum filio hominum.* Prov. 8. Vicissim deliciae hominum sunt, esse cum Christo. **REFL.** Sed notandum nobis est, quod non omnes homines sint tales, cum quibus esse cum Christo sunt deliciae, & examinandum, an simus ex illis, quibus Christus etiam ad delicias se communicare velit.

VOL. Reddamus nos similes miti & humili Christo, tunc nulla adversa timebimus, & dicere poterimus: *Secundum multitudinem dolorum meorum in corde meo, consolationes tuae latifaverunt animam meam.* Ps. 93.

COLLOQ. Quibus petamus constantiam & fortitudinem in tribulationibus pro Christo.

RECOLLECTIO.

MEDI-